

**Modawat sa Nagsapawsapaw nga Grasya aron Makalingkod sa Trono
ang Grasya sa Sulod Nato aron Makahari Ta sa Kinabuhi
ug Mahimong Balak sa Dios, ang Bag-ong Jerusalem,
nga Kinataposan ug Kinahingpitang Lugwa sa Grasya sa Dios
sa Iyang Pamatigayon**

Basahong Kasulatan: Rom. 5:17, 21; Juan 1:16; Heb. 4:16; Gen. 6:8; Bug. 22:21

I. Matag adlaw ug matag gutlo, mga tawo gyod unta ta nga nagdawatan sa Ginoo isip nagsapawsapaw nga grasya, kadagaya sa grasya; aron makapahimulos ta, mga tawo gyod unta ta nga nagdawatan sa Ginoo aron makahari ta sa kinabuhi—Juan 1:16; Rom. 5:17, 21:

A. “Busa manuol ta uban sa kaisog sa trono sa grasya aron makadawat tag kaluoy ug makakaplag og grasya nga tabang sa panahon sa panginahanglan”—Heb. 4:16:

1. Sa walay duhaduha, ang tronong gihisgotan dinhi mao ang trono sa Dios, nga naa sa langit (Bug. 4:2); ang trono sa Dios trono sa pagbulot-an ngadto sa tibuok uniberso (Dan. 7:9; Bug. 5:1), apan nganhi natong mga magtutuo, nahimo kining trono sa grasya, nga gitiman-an sa tabon sa pagtabon-sa-sala (trono sa kaluoy) sulod sa Dapit Labing Balaan (Exo. 25:17, 21; Sal. 80:1); trono sa Dios ug sa Cordero kining tronoha (Bug. 22:1).
2. Unsaon man nato pagduol sa trono sa Dios ug sa Cordero, ni Cristo, sa langit samtang nagkinabuhi pa ta dinhi sa yuta? Ang sekreto mao ang atong espiritu, nga gihisgotan sa Mga Hebreohanon 4:12; si Cristo mismo nga naglingkod sa trono sa langit (Rom. 8:34) naa sab karon nato (v. 10), sa ato pa, sa atong espiritu (2 Tim. 4:22), nga naa ang puy-anan sa Dios (Efe. 2:22).
3. Didto sa Bethel, sa balay sa Dios, sa puy-anan sa Dios, nga ganghaan sa langit, si Cristo ang hagdan nga nagdugtong sa yuta sa langit ug nagdala sa langit nganhi sa yuta (Gen. 28:12-17; Juan 1:51); kay naa man sa atong espiritu ang puy-anan sa Dios karon, kini karon ang ganghaan sa langit, nga niini si Cristo ang hagdan nga nagdugtong natong mga tawo sa yuta sa langit, ug nagdala sa langit nganhi nato; busa, moliso ngani ta sa atong espiritu, makasulod ta agi sa ganghaan sa langit ug makatandog sa trono sa grasya sa langit pinaagi ni Cristo nga langitnong hagdan.

B. Ang Ginoo mismo mao ang trono sa himaya ug ang trono sa grasya (Isa. 22:23; Heb. 4:16); kon paharion nato ang grasya sa sulod nato, makalingkod sa trono ang grasya sa sulod nato isip nagharing presensya sa Dios nga mapahimuslan nato (Ezeq. 1:22, 26) aron makahari ta sa kinabuhi (Rom. 5:17, 21).

II. Ang nag-unang tuyo sa rekord sa Genesis dili man aron ipakita ang pagkahulog kondili ipakita unsa kadako ang mahimo sa grasya sa Dios alang sa hulog nga mga tawo:

A. Gipakita sa Dios si Noe sa tinuod nga sitwasyon sa dunot nga panahon nga niini nabuhi siya—Gen. 6:3, 5, 11, 13; Mat. 24:37-39; 2 Tim. 3:1-3:

1. Nahulog ang tawo hangtod nga sa kapulihay hingpit na siyang nahimong unod (Gen. 6:3); ang labing kusgan ug labing daotang kaaway sa Dios mao ang atong unod; bug-os ug hingpit gyod kining gidumtan Niya.
2. Sa Daang Tugon naghulagway si Amalek sa unod, nga maoy kinatibuk-an sa hulog nga daang tawo; ang away ni Amalek ug sa Israel naghulagway sa

panagsumpaki sa unod ug sa Espiritu sulod sa mga magtutuo—Exo. 17:8-16; Gal. 5:16-17:

- a. Kanang sigeng nakiggubat ang Dios ni Amalek nagpadayag nga gidumtan Niya ang unod ug nagtinguha Siya nga puohon kini—Exo. 17:16; Gal. 5:17.
 - b. Dili gyod mausab o moarang-arang ba ang unod; busa, hinumdoman gyod nato ang kamatuoran nga kanunayng naa nato ang unod—Rom. 13:14; Gal. 5:16.
 - c. Gidumtan sa Dios ang unod sama sa pagdumot Niya ni Satanas, ug gusto Niyang laglagon ang unod maingon nga gusto Niyang laglagon si Satanas—Exo. 17:16; Deut. 25:17-19; 1 Sam. 15:2-3.
 - d. Makig-away ta ni Amalek pinaagi sa nangamuyong Cristo ug sa nakig-awayng Espiritu; si Moises nga nag-isa sa iyang kamot didto sa tumoy sa bukid naghulagway sa nikayab nga Cristo nga nangamuyo didto sa mga langit; si Josue nga nakig-away ni Amalek naghulagway sa Espiritung nagpuyo sa sulod nga nakig-away sa unod—Exo. 17:9, 11, 13; Rom. 8:34; Heb. 7:25; Gal. 5:17.
 - e. Sa gubat batok ni Amalek, mobulig gyod ta sa Ginoo pinaagi sa pag-ampo aron mausa ta sa nangamuyong Cristo (Rom. 8:34) ug sa pagpatay sa unod aron mausa ta sa nakig-awayng Espiritu (Luc. 18:1; 1 Tes. 5:17; Rom. 8:13; Gal. 5:16-17, 24); nakahukom na ang Dios nga sigeng makig-away sa unod hangtod nga mapapas Niya ang handomanan niini silong sa langit (Exo. 17:14).
- B. Niingon ang Genesis 6:8 nga, “*Apan nakakaplag si Noe og kahimuot [grasya] sa panan-aw ni Jehova*”:
1. Obra maestra ni Satanas ang unod, ug kini ang “tigomanan” ni Satanas, sa sala, ug sa kamatayon; ang grasya mao ang Dios mismo nga napahimuslan nato ug nitabang nato nga makaharong sa sitwasyon sa unod.
 2. Ang unod mao ang presensya mismo ni Satanas, ug ang grasya mao ang presensya mismo sa Dios; aron makaharong ta sa presensya ni Satanas, nagkinahanglan ta sa presensya sa Dios.
 3. Sa nabuhat na ni Satanas ang tanan niyang mahimo aron madaot ang sitwasyon, naa gyoy pipila nga nakakaplag og grasya sa panan-aw sa Dios nga maoy nakapausab sa panahon—itandi sa Dan. 1:8; 9:23; 10:11, 19:
 - a. Ang grasya mao ang Dios mismo, ang presensya Niya, nga napahimuslan nato aron mahimong tanan nato ug mobuhat sa tanan sa sulod nato, pinaagi nato, ug alang nato—Juan 1:14, 16-17; Bug. 22:21.
 - b. Ang grasya ni Ginoong Jesucristo nga madagayaong sangkap sa Tulo-usang Dios mapahimuslan nato pinaagi sa paggamit sa atong tawhanong espiritu—Heb. 10:29; Gal. 6:18; Fil. 4:23; Filem. 25; 2 Tim. 4:22.
 - c. Pulong sa grasya ang pulong sa Dios—Buh. 20:32; Col. 3:16; itandi sa Jer. 15:16.
 - d. Masinati nato ang nahikay nga Tulo-usang Dios ingon nga grasya sa kinabuhi sa pagtigom nato uban sa mga balaan diha sa sukaranan sa pagkausa—Sal. 133:3; 1 Ped. 3:7; Buh. 4:33; 11:23.
 - e. Makasinati ta sa Ginoo isip nagkadako ug igo-sa-tanan nga grasya nato taliwala sa mga pag-antos ug pagsulay—2 Cor. 12:9.
 - f. Mangabudlay gyod ta alang sa Ginoo diha sa gahom sa Iyang grasya—1 Cor. 15:10, 58; 3:10, 12.
 - g. Pinaagi sa gahom sa grasya, sa kusog sa grasya, ug sa kinabuhi sa grasya, mahusto ta tali sa Dios ug sa usag usa; mosangpot sa grasya ang objecti-

bong pagkamatarong, ug mopalugwag subjectibong pagkamatarong ang grasya—Heb. 11:7; Rom. 5:17, 21.

- C. Gipadaygan sa Dios si Noe og malangkobon-sa-tanan nga pinadayag, sa pinadayag nga tukoron ang arka, nga maoy paagi nga matapos sa Dios ang nadunot nga kaliwatan ug mapadangat ang bag-ong panahon; buhat nga nakapausab sa panahon ang buhat niya—1 Cor. 2:9; 2 Cor. 6:1; Mat. 16:18; 1 Cor. 3:12:
1. Hulagway ni Cristo ang arka (1 Ped. 3:20-21), dili lang sa tinagsang Cristo kondili sa hiniusang Cristo sab, sa iglesia, nga mao ang Lawas ni Cristo ug ang bag-ong tawo nga mahingpit sa Bag-ong Jerusalem (Mat. 16:18; 1 Cor. 12:12; Efe. 2:15-16; Col. 3:10-11; Bug. 21:2).
 2. Ang pagtukod sa arka pagtukod man ni Cristo nga grasya sa atong kasinatian aron matukod ang hiniusang Cristo, ang iglesia, nga Lawas ni Cristo (1 Cor. 12:12; Efe. 4:11-16); kini ang pagbuhat sa kaugalingon natong kaluwasan aron maluwas ta sa paghukom sa Dios ning hiwi ug balikong kaliwatan ug makasulod sa bag-ong panahon, sa panahon sa millennium (Fil. 2:12-16; Heb. 11:7; Mat. 24:37-39; Luc. 17:26-27).

III. Ang kinahingpitan ug kinataposang lugwa sa grasya sa Dios sa Iyang pamatigayon mao ang Lawas ni Cristo nga balak sa Dios nga mahimong Bag-ong Jerusalem nga kahingpitan sa pagkamatarong sa Dios sa bag-ong mga langit ug bag-ong yuta; ang kadato sa Dios mismo nga mapahimuslan nato nilabaw sa tanang paglimiti ug mapasundayag nga makita sa tanan sa eternidad—Efe. 2:7-10; 2 Ped. 3:13; Bug. 22:21.